

Ֆոն Բէօպէնն էլ (von Koeppen), որին գերման ճամբորդ Հաքստուսուզէն անուանում է «լաւագոյն ուսւ պիճակագրողը», Շոպէնի «մանրամասն տախտակների» հիման վրայ կազմել է վիճակագրական տուեալներ ու գեկուցել «Գիտութեան Կայսերական Կաճառին», ինչպէս որ վկայում է ժամանակակից մի ուրիշ գերման ճամբորդ, պրոֆեսոր Մորից Վագները:

Այս երկու գերման ճամբորդներն էլ վերարտադրում են Շոպէն-Բէօպէնի վիճակագրական տուեալները: Մինչ սակայն Վագներ բաւականանում է ժամանակակից Հայաստանի (Անդրկովկասեան) տուեալներով միայն, Հաքստուսուզէն շատ աւելի մանրամասնօրէն առաջ է բերում ո՛չ միայն այդ, այլ եւ ամբողջ Կովկասի հայութեան եւ միւս ազգերին վերաբերեալ թուական տեղեկութիւնները:

Ահա՛ սրանք էլ մեզ ասում են, որ 1838-ին Անդրկովկասի հայութեան թիւը ընդամէնը եղել է 294,606 եւ կամ, կէտր թուով, 295 հազար:

Միւս կողմից ժամանակի իմաստով եւ վարչական բաժանումներով Հայաստան ըմբռնուած հողամասում («Հայկ. Ծրջան») (Երեւան, Նախիջևան, Օրդուբաթ) ապրելիս են եղել, ըստ Վագների, 164,450 հոգի: Գրեթէ նոյն թիւն է յիշատակում նաեւ Հաքստուսուզէն, անշուշտ աւելի կէտրցնելով — 164,500: Երկուսի աղբիւրներն էլ, տեսանք, նոյնն են: Բողենշտէդտ տալիս է 180-200 հազար մօտաւոր թիւը: Աւելի վստահելի են անշուշտ առաջինները:

«Հայկական Ծրջանի» բնակչութեան վերոյիշեալ 164-165 հազարից էլ, հայութեան թիւը եղել է ամբողջութեան հազիւ կէտը: Վագներ հիմնուելով իր աղբիւրների վրայ ասում է՝ «Հայկական Ծրջանի» բնակչութիւնը «ըստ կրթօնի համարեա երկու հաւասար մասի է բաժանուում. քրիստոնեայ՝ 82,377 հոգի, մահմեդական՝ 81,749 հոգի (եզիտիներ էլ՝ 824 հոգի):

Իսկ քրիստոնեայ տարրը բաղկացած է եղել զրեթէ բացառաբար հայերից:

Այս նոյն տեղեկութիւնն ենք քաղում մենք նաեւ Հաքստուսուզէնից ու Բողենշտէդտից:

Ուրիշ խօսքով՝ 1838-ին Անդրկովկասի ողջ հայութեան 294,500 բուից հազիւ ընդամէնը 82 հազարն են ապրելիս եղել «Հայկական Ծրջան»-ում, ասել է՝ 1/4-ից մի փոքր աւելին:

Մի ուրիշ պարագայ եւս:

Հաքստուսուզէնի վկայութեամբ՝ անդրկովկասեան հայութեան 1/3-ից մինչեւ 1/2-ը ընդամէնը 20 տարի սրանից առաջ են Պարսկաստանից եւ Տաճկահայաստանից ներգաղթել (1828-1829 թ.):

Վագներ, որի աղբիւրները դարձեալ նոյնն են, աւելի որոշ թուեր է առաջ բերում:

«Հայ քրիստոնեաների թիւը («Հայկական Ծրջան»-ում) ներգաղթից առաջ կազմում էր 4428 ընտանիք՝ 25,151 շունչով: Պարսկաստանից նոր եկած (1828-1829-ին) ընտանիքների թիւն էր 8036, ընդամէնը՝ 35,500 շունչ: Հայաստանի տաճկական սահմանից նոր եկած ընտանիքների թիւը հաշոււմ էին 3682, ընդամէնը 21,666 շունչ: Այսպիսով, ուրեմն, յաւելումը եղել է ընդամէնը 57,226 շունչ\*), որով ազգաբնակչութեան նախկին թիւը եռապատկուած պիտի լինէր, եթէ այնուհետեւ նոր կորուստներ առաջացած չլինէին» (Վագներ նկատի ունի մահմեդական տարրի մասնակի արտագաղթը, որպէս հետեւանք նոր, ուսումական տիրապետութեան):

Վագների եւ կամ, աւելի ճիշդը, իր աղբիւրը Հանդիսացող Շոպէն-Բէօպէնի թուական տուեալներին նայելով՝ «Հայկական Ծրջանի» ամբողջ ազգաբնակչութեան (164,450) մեծագոյն մասը, 122,968 շունչ, ապրելիս է եղել Երեւանի շրջանում, մինչ Նախիջևանի շրջանը ունեցել է ընդամէնը 30,507 բնակիչ, իսկ Օրդուբաթը աւելի պակաս, 10,975: Ամբողջ ազգաբնակչութիւնից էլ 20,377 հոգի են (մէկ ութերորդ) ապրելիս եղել քաղաքներում: Երեւանը այդ ժամանակ ունեցել է 11,463 բնա-

\*) Վագներ այստեղ աւելացնում է. «Ֆոնտան (Fontan) Տաճկաստանից եկածների համար շատ աւելի մեծ թիւ է տալիս, քան Շոպէն, այն է 90 հազար շունչ»: Անշուշտ անհիմն: Ըստ Երեւոյթին նոյնն է նկատի ունեցել նաեւ Հաքստուսուզէն, որ Անդրկ. հայութեան 1/2-1/3 ներգաղթած է համարում: